

## **INFORME PROPOSTA DO SERVIZO DE CULTURA, TURISMO E PROMOCIÓN DA LINGUA**

### **Asunto: MODIFICACIÓN DA ORDENANZA FISCAL NÚM 405 REGULADORA DO PREZO PÚBLICO POLA PRESTACIÓN DOS SERVIZOS DA ESCOLA MUNICIPAL DE MÚSICA.**

Vista a necesidade de modificar determinadas cuestións de tramitación de matrícula na Escola Municipal de Música así como os prazos de cobro de recibos, prazos de solicitude de devolucións por causa de baixa ou devolucións por causas non imputables ao alumnado; polo Servizo de Cultura, Turismo e Promoción da Lingua propóñense as seguintes modificacións na Ordenanza Fiscal número 405 reguladora do prezo público pola prestación dos servizos da Escola Municipal de Música:

- 1) Modifícanse os apartados 2, 5, 6, 7 e 8 do artigo 3º Obrigas de pagamento, bonificacións e exencións, quedando redactados como segue a continuación:

#### **ARTIGO 3º. OBRIGAS DE PAGAMENTO, BONIFICACIÓNS E EXENCIÓNS.**

2. O alumnado que sexa o terceiro ou posterior membro da unidade familiar que se matricula, verá reducido o pago do prezo público que se regula nesta ordenanza nun 50 %. Esta bonificación realizarase tomando como referencia a tarifa máis alta.

5. As solicitudes deberán ser conformadas pola Xunta Directiva da Escola Municipal de Música e contarán co informe favorable do Servizo con carácter previo a súa consideración na resolución que aprobe a liquidación do prezo público do trimestre correspondente.

6. O pagamento deste prezo público realizarase mediante domiciliación bancaria, fraccionado en tres trimestres, durante o curso escolar. Unha vez rematado cada trimestre, por parte da Escola Municipal de Música preparase a relación do alumnado matriculado cos importes a aboar en cada caso, que se incluírán na proposta do Servizo que dará lugar á resolución que aprobe a liquidación do prezo público do trimestre correspondente. Cando, por causas non imputables ao alumnado, non sexa posible á impartición de determinadas clases dalgunha materia, deberán realizarse os descontos que procedan en función das clases efectivamente impartidas previo informe da Xunta Directiva.

7. Estará exento do pagamento o alumnado que se matricule en estudos dun instrumento ou materia que sexa obxecto dunha campaña de promoción por parte da escola, por tratarse dun instrumento ou materia das menos populares. A decisión da elección do instrumento será tomada pola xunta directiva da Escola en

**Servizo de Cultura, Turismo e Promoción da Lingua**

XMCR/cfl

Refª: ispac4693843681699035412.doc

Asunto: Informe proposta modificación rdenanza Fiscal

base a criterios coma os de promoción de unha nova agrupación, existencia de vacantes ou interese de promoción e posta en valor dunha determinada materia, e contarán co informe favorable do Servizo con carácter previo a súa consideración na resolución que o aprobe.

8. Estará tamén exento do pagamento o alumnado que no curso anterior teña un alto aproveitamento das clases desa mesma materia, previo informe do titor/a e da xefatura de estudos da Escola, e a unidade familiar conte cuns ingresos inferiores aos que se detallan no punto 3 deste mesmo artigo e contarán co informe favorable do Servizo con carácter previo a súa consideración na resolución que o aprobe.

2) Modifícanse os puntos 2 e 3 do artigo 5º quedando redactados como segue a continuación:

**ARTIGO 5º. NORMAS DE XESTIÓN**

2. O alumnado está obrigado a:

- Presentar a correspondente declaración nos impresos habilitados para tal efecto pola administración local.
- Fotocopia do DNI/NIE
- Certificado de titularidade de conta bancaria ou documento que o acredite (fotocopia da cartilla, detalle extraído da banca electrónica ou calquera outro documento onde figure titular e número de conta)

3. Unha vez devindicado o recibo do trimestre, non se devolverá o importe se non se cursou a baixa:

Os usuarios que desistan da asistencia ás clases deberán comunicar este feito antes de rematar o trimestre anterior e darse de baixa co modelo de solicitude que existe na secretaría da Escola. De non ter cursado a baixa por escrito antes dos prazos abaixo indicados o recibo do trimestre vixente pasarase ao cobro.

Establécense os seguintes límites nas datas para cursar a baixa na Escola no trimestre en curso:

- 1º Trimestre: 15 de outubro
- 2º Trimestre: 15 de febreiro
- 3º Trimestre: 15 de maio

Co cal as persoas matriculadas, asistan ou non as clases nun trimestre, que non efectúen as súas baixa antes de ditas datas terán a obriga de pagar o prezo do recibo dese trimestre. A non asistencia as clases por calquera motivo, baixa, enfermidade, incapacidade ou outras, non conlevará ningún tipo de redución se non se efectúa a baixa nos prazos establecidos a tal efecto no párrafo anterior.

Lugo, sinatura dixital

A xefa de sección de Cultura,  
Turismo e Promoción da  
Lingua

Carmen M<sup>a</sup> Fernández López

Conforme  
A Tenenta de Alcaldesa- Delegada da Área  
de Cultura, Turismo e Promoción da Lingua

Tareixa A. Ferreiro Tallón

FIRMADO POR \*\*\*344\*\*\*- CARMEN MARIA FERNÁNDEZ LÓPEZ (FECHA: 2023-09-05 14:39:13.00) , \*\*\*CON\*\*\*- TSU CAMERFIRMA HW 2021  
\*\*\*773\*\*\*- TAREIXA ANTÍA FERREIRO TALLÓN (FECHA: 2023-09-05 15:03:57.00) , \*\*\*CON\*\*\*- TSU CAMERFIRMA HW 2021

Versión imprimible

CVD: Kkm0tS0gf4AjSpfyJzQY  
Verificable en la Sede Electrónica del Organismo.